

Vom Uhrwerck.

gemacht habē/ die sich des Archimedis kunst nahe zutreffen/ auch seind vil dises handtwercks gewesen/ vñ noch/ die von den Mathematicis solche kunst empfangen/ vñ ihren nachkommen verlassē haben.

Derhalb also dise kunst gemein worden von tag zu tag/ das vil seind die grosse vñ kleine vhrē machen/ auff vil vñ mancherley art/ etliche künstlicher/ als die anderen. Es werden aber die alten vhren zu mehrertheil befunden auff Rathhousen/ oder aber in den Templē/ wie dann hin vnd wider durch Frankreich/ Italien vñd Niderlenderen auch Teutschland zu sehen ist. Also ist auch allhie zu Straßburg in dem Münster ein alt vhrwerck gestanden/ das wie ichs in der gar alten Chronica so auff vnser Frauen haus versorgt wirt/ geläsen/ als dises Astronomisch vhrwerck habe angefangen/ welches 200 Jahr vngefar vor dem dises jetzigen newes an die statt gemacht ist worden/ gestanden ist/ welches wie leichtlich abzunehmen gar in abgang vor vilen Jahren komen ist/ vñd ist das ganze vhrwerck von holz gemacht gewesen.

Dasselbige vhrwerck hab ich ganz fleissig besichtiget/ was vñd wie vil stück es gehabt habe/ vñd befunden erstlich vñden auff dem boden Calendarium generale wie gebreuchlich gewesen auff holz vñd anderer materij beschriben/ welches

zum